

古籍影印室 編

民國賑災史料初編

國家圖書館出版社

叁

古籍影印室 編

叁

國家圖書館出版社

民國賑災史料初編

中華民國十一年四月發行

中華民國十一年四月發行

湘災月刊

湖南華洋籌賑會編

長沙小吳門吟草堂印

本報啓事

本報原係週刊近因災情
緊急賑款浩繁經本會幹
事會議決改週刊為月刊
以節糜費特此聲明

第三冊目錄

湘災月刊 湖南華洋籌賑會編

第一期(一九三二年四月).....一

第二期(一九三二年五月).....六五

第三期(一九三二年六月).....一二七

第四期(一九三二年七月).....二〇一

湖南水災善後委員會賑務類刊 湖南水災善後委員會編

第一期(一九三二年).....二六七

第二期(一九三二年).....三四一

第三期(一九三二年).....四五五

第四期(一九三三年).....五七五

湖災月刊

目錄

本	號	目	錄
▲照片			
▲文電			
▲災情報告			
▲會議紀錄			
▲雜俎			
▲專件			

編輯兼發行

湖南華洋籌賑會編查部


（地址）長沙城內如意街四號（電話）五零五號

◀ 本 期 目 次 ▶					
▲ 專 件	▲ 譯 文	▲ 會 議 錄	▲ 文 學	▲ 雜 著	▲ 附 刊



湖南華南聯合會調查所

(地址) 長沙縣內城盤龍崗(湖南) 正百零五號











圖 民 餓 南 湖



湖 南 餓 民 圖



文電

◎旅京湖南籌賑會來電

湖南華洋籌賑會鑒。六省協濟會。援助江縣賑款一萬元。由該會自行派員赴基散放。請貴會速電該會催促。以免延宕。並盼覆旅京湖南籌賑會文。

◎本會致旅京湖南籌賑會電

北京湖南籌賑會鑒。接奉文電。知承六省協濟會接濟江賑款一萬元。并自行派員實地散放。該縣災情奇緊。得此特別補助。或可稍資救濟。除逕電該會請速派員出發外。特此電覆。仍乞就近轉飭為盼。湖南華洋籌賑會謹印。

◎上海華洋義賑會來電

湖南華洋籌賑會鑒。卅電敬悉。貴省災狀。惻惻同深。日前熊君二君有函致會。已隨時據情轉達北京總會核辦矣。敝會受命辦江浙皖三省服務。愧心長而力薄。欲併願以無能。區區苦衷。當邀鑒諒。謹電復聞。上海華洋義賑會勘印。

◎總司令部致北京陸軍部電

湘災月刊

文電

北京陸軍部鑒。前張督敬鑒。與日商太平公司訂購軍械定款。係以湖南督軍名義行。張督解職。此項定款。當由湖南政府收回。與張督私人之資格。絕無關係。此外無論何項銀行公司。及其他之人。更不能發生交涉。現據全省各公民要求。以此款撥充華洋籌賑會充作賑款。已經數署批准。並准呈旅京湖南籌賑會代表梅君驥。劉君華武。危君道豐。漆君育文。就近呈請貴部核撥。在案。務懇俯念此項請求。係以湘省應行收回之款。救濟湘民。迫不及待之災。辦法實為平允。准予據呈批准。並懇轉行太平公司照案清償。交由該代表等具領。匯交湖南華洋籌賑會領收。無再藉延。是所盼禱。湖南總司令兼省長趙恒惕叩。

◎本會致駐岳北軍張楊兩總指揮函

敬啟者。案照湘省辦理米禁。以岳陽為重要關鍵。迭經電請台端協力查禁。並推派代表韓理生君赴轅說明一切。已承允將應歸軍米從外省採運以示維持在案。乃頃據該處米禁委員報告。現時尚有軍士紛紛在內地採買糧食。以致該處穀米益形缺乏等語。竊以該軍士等此種行為。或係貪圖一時之便利。在台端必未及知悉。茲仍派代表前來。將本會一切困難情形。詳細面達。務

所諒解本會辦理米禁之意並非對於各處軍米故爲作難。實因內地緊急非常。除湘西辰州一帶已無法救濟外。即益陽湘潭各屬產米之區。現亦大鬧風潮。紛紛閉籬。本會所有散販高粱。均係由奉天採辦。而且不能多得。故不得不請求各處將所需軍米向外省採運。雖手續稍費周轉。而造福實爲無量。台端熱心公益。素所欽佩。雖備具蕪緘。交由韓君面呈。敬祈俯賜接洽。准將本會所請軍米勿向內地採辦之處。切實施行。並請與該代表商訂取締辦法。以杜冒混而資遵守。是爲至荷。此致駐岳總指揮張楊。

◎本會致韓幹事函

逕啓者。案照本會辦理米禁。以岳陽爲重要關鍵。前經推請台端分向吳巡使及駐岳各總指揮請求該處需用軍米勿向內地採買。並由本會迭電交涉在案。乃頃接米禁委員報告。該處軍士仍多向內地自便採買。是前項交涉。尙屬未能實行。若不從嚴制止。關於民食前途。影響甚巨。經於本月七日提交幹事會議決。仍推請台端前往岳陽。向該處各官長再行切實交涉。商訂取締辦法。請其實行公佈。以免再滋後累。特此函達。請煩刻日前往商辦具報。至級公誼。此致韓理生先生。

◎本會致華克勒戈德白任福泰雷飛鵬

四幹事函

逕啓者。案照本會募捐審查委員報告。募捐手續。須本會組織募捐股。以專責成。經於本月十四日提交幹事會議決。照辦。並推舉華克勒君戈德白君任福黎君雷飛鵬君爲委辦。除分函知照外。相應函達台端。請即將上項募捐一切進行事宜。與各委辦會同妥商辦理。至級公誼。此致華戈任雷各先生。

◎本會致北京六省協濟會電

北京六省協濟會鑒。頃接旅京湖南籌賑會文電。欣承貴會軫念湘災。慨助江江縣賑款洋一萬元。并允派員實地散放。慈雲遠被。感激莫名。湘省此次災區過廣。江江尤爲奇緊。易予拆散。憐不忍睹。本會棉力有限。雖經設法拯救。仍屬餓殍紛紛。無補萬一。今承貴會特沛鴻施。百利災黎。盼切來蘇。忍死以待。務懇即派委員刻期出發。早施一日之振濟。即多全無數之生命。並請將派定員名先行電示。以便分別轉致。謹電馳謝。無任感盼。湖南華洋籌賑會叩。鈞印。

◎本會通電受賑各縣文

安化新化臨湘寶慶武岡岳陽平江嘉禾永興耒陽芷江晃縣麻陽瀘溪溆浦辰縣新寧瀏陽新田常寧祁陽湘鄉永明沅陵黔陽鳳凰乾城綏寧靖縣會同通道永順保靖龍山大庸永綏桑植古丈各縣知事各籌賑分會均鑒。湘省此次旱災蔓延全省。本會籌募賑款。又極困難。數月以來。百計支持。除芷江麻陽新化安化各屬荒象發生最早。業經分別散放膏粱。並派員採辦轉運外。茲復速從奉天購運膏粱一批。並籌捐賑穀數千石。議就全省災情緊急各縣分。先行統籌支配。派員分途運往散放。並酌配現款。交由各屬自行就近採辦。其一時未及支配各災區。仍隨時另籌接濟。藉權緩急而便推行。所有此次支配賑糧賑款各縣分。計安化新化各高粱五百石。穀五百石。洋五千元。臨湘高粱五百石。洋五千元。寶慶武岡岳陽平江嘉禾永興耒陽各高粱五百石。洋三千元。芷江高糧四百石。穀一百石。洋四千八百七十五元。晃縣麻陽瀘溪鄉辰縣各高粱四百石。穀一百石。洋三千八百七十五元。新寧瀏陽新田常寧祁陽湘鄉永明各高粱四百石。洋二千二百五十元。沅陵黔陽鳳凰乾城綏寧靖縣各高粱四百石。穀一百石。洋一千八百七十五元。會同通道永順保靖龍山大庸永綏桑植古

丈各高粱三百石。穀八十石。洋一千一百二十五元。以上各屬均經本會派員審查分別酌定。惟沅陵芷江兩處各設有本會辦事處。原為就近統籌辰沅所屬賑務起見。對於本會支配該兩屬所管各災區賑糧賑款。如有認為不適當之處。准由該辦事處擬配實在情形。報由本會核辦。案關全省緊急災賑。合亟通電各縣知事各籌賑分會。於上項糧款交到時。務各會同地方正紳。就本境妥籌支配散放。隨時具報為要。湖南華洋籌賑會統印。

◎辰州陳統領來電

湖南華洋籌賑會惠鑒。借電敬悉。芷麻災情。無任感慰。惟鳳乾瀘等縣。同一災情。奇重之區。自秋徂春。人民即啜草食泥。死亡日衆。倘非速籌賑濟。必至靡有孑遺。湘西半多山國。素號災區。況比年加患兵禍。旱水災相繼迭見。富者頓貧。巨商歇業。凋敝情形。無可諱言。既無挽粟之儲。復無可籌之款。一線生機。專恃貴會。倘使稍可設法。自當就地維持。絕不一再代請。素諳貴會惻隱為心。飢溺猶已。務懇早發急賑。救民溝壑。百萬哀鴻。無任引領。不勝迫切待命之至。陳渠珍叩庚。

◎本會致辰州陳統領電

辰州縣統領鑒。庚電承示鳳乾溫等縣災情同一緊急。誠如尊言。本會籌辦賑務。對於辰沅一帶慘狀。早經特別注意。除前已撥運賑糧救濟外。現復由奉天運高梁並籌捐賑穀。已派委陶委員鼎勛。諭委員震林。陶委員熙齡等押運前往辰沅各屬分別散放。應分飭所屬軍隊隨時就近保護。並派員協助一切。是為至盼。特覆。湖南華洋籌賑會寒印。

◎評議員劉善澤來函

雪安先生大鑒。敬啟者。近穀米入城。聞尚有抽收釐金情事。商民病之。懇請貴會咨請政府將前項釐金蠲除。亦招來之一端也。何如何如。當此並頌仁安。維照不既。劉善澤拜啟。三月十二。

◎本會致省長公署函

逕啟者。頃據本會評議員劉善澤函稱。近日穀米入城。聞尚有抽收釐金情事。以致商販裹足。來源益形缺乏。請予轉咨政府。務將前項厘金蠲除。以廣招徠等語。到會。經於本月十四日提交幹事會議。會以現正荒情緊急之時。全恃內地穀米。設法周轉。方足以圖救濟。應如劉君所議。推廣範圍。凡全省內地互相流通之穀米。在未經秋收以前。應一律免予抽收厘金。以便商民而資提倡。在

政府收入。雖不免稍受損失。而于荒政民食。實大有裨益。案經一致議決。相應函請省長俯賜採納。准予明訂期限。通飭各益金局卡。截至本年夏歷七月初一日止。所有各商在此時期內。領有本會或地方官護照。販運內地之穀米。准一律免予抽收釐金。以示體恤。而資周轉。至誠公誼。此致湖南省長。趙。

◎芷江包格非來電

湖南華洋籌賑會鑒。佳電悉。鑒即設立辦事處。業與芷江分會商議。均表同情。惟組織手續。應如何規定。請即示遵。餘函詳。包格非叩文。

◎漢口江漢關陳監督來函

逕啟者。近月以來。貴會與旅京湖南籌賑會。並中國華洋義賑救災總會。為運糧石衣服赴湘施賑。雙方均以漢口為移轉接運地點。如與徵收局接洽。免驗放行。與地方長官接洽。派警保護。及與京漢兩路局長。或車站站長接洽。停車放車。撥車諸事。皆用江漢關監督署名義。以公函或電話辦理。究竟此項事務。非在關監督署權限以內辦理。甚形不便。林芬等之意。擬請貴會於此間設一駐漢轉運處。就陳君克樹陶君鼎勛二人中。指派一人常駐漢口。